

## **«Қазақстан халқына» ҚҚ Қамқоршылық кеңесінің 2023 жылғы 1 сәуірге жұмысы туралы ақпарат**

2023 жылы 2023 жылғы 1 наурыздағы жағдай бойынша Қордың Қамқоршылық кеңесі 5 бетпе-бет отырыс өткізді.

Қамқоршылық кеңес 22 мәселе қарады және шешімдер қабылдады.

### **Қамқоршылық кеңес қабылдаған шешімдер:**

#### **Қамқоршылық кеңестің**

##### **16.01.2022 жылғы бетпе-бет отырысы (№ 27 хаттама)**

1. 2023 жылдың I жартыжылдығына арналған Қамқоршылық кеңес отырыстарының кестесі бекітілді.

2. «Қазақстан халқына» қоғамдық қорының нысаналы капиталын (эндаументін) қалыптастыру тұжырымдамасы назарға алынды.

3. «Қазақстан халқына» ҚҚ білім беру гранттары» қайырымдылық бағдарламасына өзгерістер мен толықтырулар енгізілді.

4. «Coursera» – қазақ тілінде» қайырымдылық жобасы бекітілді.

5. «Қазақстан халқына» қоғамдық қорының қайырымдылық көмек көрсету Ережесі бекітілді.

6. «Қазақстан халқына» ҚҚ ішкі аудиторының лауазымдық нұсқаулығы бекітілді.

7. 2023 жылға арналған Аудит жоспары бекітілді.

8. Қамқоршылық кеңесінің мүшесі Ораз Алиевич Жандосовтың жазбаша хабарламасын қарап, 2023 жылғы 10 қаңтардан бастап өз бастамасы бойынша оның өкілеттігін тоқтату туралы шешім қабылданды.

9. Қазақстан Азаматтық альянсының президенті Нургазиева Бану Ганиевна «Қазақстан халқына» ҚҚ қамқоршылық кеңесінің мүшесі болып сайланды.

#### **Қамқоршылық кеңестің**

##### **30.01.2023 жылғы бетпе-бет отырысы (№ 28 хаттама)**

1. «Endowment Qazaqstan Halqyna» нысаналы капиталды (эндаументті) басқару жөніндегі Компания» корпоративтік қорын құру жолымен коммерциялық емес ұйым құру туралы шешім қабылданды.

2. «Endowment Qazaqstan Halqyna» нысаналы капиталды (эндаументті) басқару жөніндегі Компания» корпоративтік қорының жарғысы бекітілді. Бұл ретте Қор Басқармасына мыналарды қамтамасыз ету тапсырылды:

1) «Endowment Qazaqstan Halqyna» нысаналы капиталды (эндаументті) басқару жөніндегі Компания» корпоративтік қорының құрылтайшысының функциялары мен өкілеттіктерін жүзеге асыру;

2) «Endowment Qazaqstan Halqyna» нысаналы капиталды (эндаументті) басқару жөніндегі Компания» корпоративтік қорының тұрақты жұмыс істейтін алқалы басқару органы – қамқоршылық кеңесін қалыптастыру;

3) 2023 жылғы 16 қаңтарда Қордың Қамқоршылық кеңесінің отырысында қаралған «Қазақстан халқына» қоғамдық қорының нысаналы капиталын (эндаументін) қалыптастыру тұжырымдамасына сәйкес өзге де шаралар қабылдау.

3. «Қазақстан халқына» қоғамдық қорының Жарғысына өзгерістер мен толықтырулар бекітілді.

4. Келесі қайырымдылық бағдарламалар мен жобалардың мониторингі бойынша есептер назарға алынды:

1) қаңтардағы оқиғалар кезінде зардап шеккендерге көмек көрсету;

2) Қостанай облысы Әуликөл және Қарасу аудандарының аумағында табиғи сипаттағы ТЖ салдарынан тұрғын үйсіз қалған отбасыларға (үй шаруашылықтарына) қайырымдылық көмек көрсету;

3) 2022 жылғы көктемгі су тасқыны кезінде БҚО Жәнібек және Қаратөбе аудандарының зардап шеккен тұрғындарына қайырымдылық көмек;

4) пара-хоккейден халықаралық жарыстарға дайындалу және қатысу үшін спортшыларды спорттық мүкәммалмен қамтамасыз ету;

5) «Тұсау кесер».

5. Қордың қайырымдылық бағдарламалары мен жобаларына салық салу мәселелері бойынша шешімдер қабылданды.

6. Қазақстан Республикасының Денсаулық сақтау министрлігі әзірлеген «Онкологиялық аурулармен күрес жөніндегі 2023-2025 жылдарға арналған кешенді жоспар» жобасында (бұдан әрі – Кешенді жоспар) көзделген іс-шараларды іске асыруға «Қазақстан халқына» ҚҚ-ның қатысуы алдын ала мақұлданды. «Қазақстан халқына» ҚҚ-ның Кешенді жоспарға қатысуын қаржыландыру көзі ретінде «Ұлттық әл-ауқат қоры туралы» Қазақстан Республикасы Заңының 20-бабының 5-тармағына сәйкес «Самұрық-Қазына» ҰӘҚ таза табысының кемінде 7% мөлшерінде түсімдер айқындалсын.

Бұл ретте Қор Басқармасына Қазақстан Республикасының Денсаулық сақтау министрлігімен кешенді жоспарға енгізілген іс-шараларды, оларды бірлесіп іске асыру тетіктерін пысықтау және Қордың қамқоршылық кеңесіне бекітуге енгізу тапсырылды.

### **Қамқоршылық кеңестің**

#### **13.02.2023 жылғы бетпе-бет отырысы (№ 29 хаттама)**

1. «Қазақстан Республикасының Денсаулық сақтау ұйымдарының медициналық кадрларын шетелде оқыту және шетелдік мамандарды тарта отырып шеберлік сыныптарын ұйымдастыру» бағыты бойынша тәсілдер бекітілсін.

2. «Медициналық генетиктер мен ультрадыбыстық диагностика мамандарын шетелде оқыту» қайырымдылық жобасы бекітілсін.

3. «Шетелде онкология және гематология бөлімшелерінің дәрігерлерін оқыту» қайырымдылық жобасы бекітілсін.

4. Қамқоршылық кеңесінің мүшесі Сулейменова Роза Айтжановнаның өкілеттігі 2023 жылғы 1 ақпаннан бастап оның өз бастамасы бойынша жазбаша хабарламасы негізінде тоқтатылды.

**Қамқоршылық кеңестің  
20.02.2023 жылғы бетпе-бет отырысы (№ 30 хаттама)**

1. Қордың 2022 жылғы қаржылық есептілігінің сыртқы аудитін жүзеге асыру үшін аудиторлық ұйым – «Эрнст энд Янг Қазақстан» ЖШС анықталды.

**Қамқоршылық кеңестің  
27.02.2023 жылғы бетпе-бет отырысы (№ 31 хаттама)**

1. «QH Оңалту орталықтары» қайырымдылық жобасы бекітілді.
2. «Тұсау кесер» қайырымдылық жобасына өзгерістер бекітілді.
3. Қамқоршылық кеңесінің мүшесі Пя Юрий Владимировичтің өкілеттігін 2023 жылғы 1 наурыздан бастап оның өз бастамасы бойынша жазбаша хабарламасы негізінде тоқтату туралы шешім қабылданды.

**Қамқоршылық кеңестің  
13.03.2023 жылғы бетпе-бет отырысы (№32 хаттама)**

1. «QH Денсаулық жолы» қайырымдылық жобасы бекітілді.
2. «Қазақстан халқына» қоғамдық қорының 2023 жылға арналған әкімшілік бюджетіне өзгерістер енгізу туралы шешім қабылданды.
3. Келесі қайырымдылық бағдарламалар мен жобалардың мониторингі бойынша есептер назарға алынды:
  - 1) «100 балалар спорт залы» бағдарламасы шеңберінде «24 балалар спорт залы» қайырымдылық жобасы;
  - 2) «Қазақстан халқына» ҚҚ білім беру гранттары» қайырымдылық бағдарламасы.

Қор Басқармасына «Қазақстан халқына» ҚҚ білім беру гранттары» қайырымдылық бағдарламасын іске асыру кезінде анықталған проблемалық сұрақтарды шешу бойынша жұмыс жүргізу, сондай-ақ Қазақстан Республикасындағы ресейлік ЖОО филиалдарының талапкерлері мен студенттеріне білім беру гранттарын беру мәселесін пысықтау тапсырылды.